

'Sëedhε -blεεsü 'ö Pɔdhö -ya bɔ
 Atanna -bha 'kɔdhigümε -nu 'wo
 1 Tesadhonikö
 -pö 'gü -a -nu -dhε

=Tuabhonaɔ

¹ 'Mε 'ka Atanna -bha 'kɔdhigümε -nu 'ka Tesadhonikö -pö 'gü, 'ö 'ka kwa Dë bha waa- kwa Dëmε Yesu Klisi -bha zian -ta, mang Pɔdhö -mε 'dhö, Sidhivεn 'dhö, Timote 'dhö, yi =në 'yi 'sëedhε ya- bɔ ka -dhε. Yi -bhεa -dhε kö -yö ka gba ö -bha -gasitε waa- zuëwaanüsü 'ka.

² 'Yi bhεa" sië Atanna -dhε, yi -zɔ 'yaa bhɔ ka 'ka tongtongdhö. Yi- nuε" -bho ka -wɔn 'gü yi =gban "pεpε 'ka. ³ 'Dhang -bho "dhiü -sü 'ö ka -gɔ 'ö 'ka- 'gü -yë kë sië -dhε -kpεawo bha yi -zɔ 'yaa bhɔ- 'ka. Yi- 'wɔn -dɔ =dhε Atanna -dhɔ -yö ka -kë -kɔ =gban -kɔ =gban 'gü, yö =në- wɔn 'gü, 'yö 'ka sëë bho sië- dhε "dhü bha, yi- 'wɔn -dɔ kwa Dë Atanna wëëdhö =dhε kwa Dëmε Yesu Klisi -dhɔ -yö ka -kë "pεεpεdhö 'pö, =dhε ka "yan -ya nu -sü -gɔ 'kpakpadhö. Yö =në- wɔn 'gü, 'yö yi -zɔ 'yaa bhɔ ka -wɔn 'ka, 'yö 'yi Atanna nuε" bho ka -wɔn 'gü -kpεawo.

⁴ Yi 'dhang -bho "dhiü, yi dheebhang -nu, =dhε Atanna yöö =dede =në ka -dhɔ -ya -kë 'yö ka sü 'ö ka -ya ö -bha -ya 'gü. ⁵ -A 'klɔɔ- -mü =dhε -a -bha 'wɔn -taɔng -së 'yi- pö ka -dhε bha 'yii- pö yi "dhi "wεεwεε. "Kεε -a -bha 'Nii- =dede -yö yi -ta -kun, 'ö 'yi- -dhiang zë ka -dhε faan 'ö go Atanna yöö =dede -a 'gü bha- 'ka, kö yi 'dhang bho -sü -ya "dhiü 'kpakpadhö 'pö =dhε 'wɔn 'yi- pö sië ka -dhε bha 'yaa =sua 'ka. Gun 'yi- wo ka kpö 'gü mü bha, -tosεa kë -kɔ 'yi- -kë 'ka, kë "dhü kö- =trɔɔn 'yö kë ka -bha kaa =dede

ka -dɔ. ⁶Yö =në- -wɔn 'gü, 'yö "ta -kɔ 'ka- -dhe yö yi -gɔ, 'ö kwa Dëmɛ "ta -kɔ 'ka bha, 'yö 'ka- wo sië bha. Yö =në- -wɔn 'gü 'zü, 'yö ka -bha 'dhang -bho Atanna -wɔ "dhiü -sü kö -wo ka -wëë -kë "dhiü bho sië bha- -gban waa- -bha -bha, 'yö 'ka- -wɔ kun =niidadhe =dede 'ö go -a -bha 'Nii- "slüüslü 'gü -a 'ka. ⁷Yö =në- -wɔn 'gü 'pö, 'yö mɛ "pɛpɛ 'wo 'dhang -bho kwa Dëmɛ "dhiü -mɛ 'ka =dɛɛ ka -bha Maseduanö -sɛ bha waa- Akai -sɛ -nu 'gü, 'wo ka =në ka -gɛn -ga sië, 'yö 'wo "ta -kɔ sü ka -bha -bha bha. ⁸-A pö 'a- wo "dhü bha- -gɛn -mü =dhe kwa Dëmɛ -bha naɔ -së bha 'mɛ 'ka bha =në 'ka- sa, 'yö Maseduanö -mɛ -nu -wa =slɔɔ waa- Akai -mɛ -nu 'dhö, "kɛɛ 'yii 'to -zian wo- 'dhe 'kö bha yöö do- bha. Ka -bha 'dhang -bho Atanna "dhiü -sü =dede bha =në- -taɔng -yö =mɔɔ -dhe =gban "pɛpɛ 'gü, 'yö- -dhiang zë -kɔ 'bha -zian 'yaa 'dhö yi -gɔ 'zü. ⁹⁻¹⁰-A -gɛn -mü =dhe -kɔ -ya yi -dhɛng -bha -kɔ 'ka- -ya 'ka kö 'ya nu ka -gɔ "sɛ 'gü mü bha waa- -kɔ 'ka 'dhang bho- 'ka Atanna "dhiü, 'ö 'ka ka =taa zun- 'ka -dhɔkɛpɛ =gban "pɛpɛ suu -gɔ 'ö 'ka Atanna "yaandhe =dede 'ö- -wɔn 'yaa =sua 'ka -a -dhɔkɛ, -kɔ 'ka -ya -sü 'ka- 'ka -a Gbö 'ö- bho ga 'gü, 'ö =ya 'dho dhang- 'gü 'ö nu sië, Yesu 'ö kwa dha- -bha -mawɔnsiödhe 'ö nu sië -dhɛkpaɔ dhia" 'gü -a -gɔ bha- nu -sü -gɔ =niida 'ka bha mɛ =gban "pɛpɛ -wa -dhiang -zë.

2

Dhiang zë -kɔ -blɛɛsü 'ö Pɔdhö -ya -kë Tesadhonikö -pö 'gü -a -dhiang 'ö- zë

¹N dheebhang -nu, kaa =dede ka- 'wɔn -dɔ =dhe nu 'yi- wo ka -gɔ 'plöö mü bha, 'yii kë 'wɔn 'gü "klung 'ka. ²'Ö gun kö yi -tun Fidhipö -pö 'gü kö 'yii =loo =kö ka -gɔ mü, -wo kë -gbaɔn yi ta 'ö 'wo yi -wëë -kë "dhiü =gban "pɛpɛ suu wo, "kɛɛ yö -zë =gban 'gü, Atanna 'yi- -bha zian -ta

bha -yö kë yi -zᵛ -gban 'ö 'yi nu- -bha naᵛ -së bha- dᵛ ka -gᵛ, "kεε 'sa kö yi -gblü bha- 'gü "dhü ka -gᵛ mü 'pö. ³-A -gεn -mü =dhe dhiang 'yi nu- zë ka -dhe bha tεan- -dhiang -mü. 'Yii- -zë ka -dhe zian -dhεng ka -gᵛ -dhᵛ -bha, "εεn "bhluubhludhe 'yaa gun yi -kᵛ "piü, kö yöö 'to mε -zian kë -sü =në- -bha. 'Yii- -dhe mᵛᵛ- kö 'yi sεε" 'kpᵛ ka -dhe "yigblü -ta. ⁴"Kεε 'wᵛn "pεpε 'yi- -dhiang zë bha, 'wᵛn 'ö -dhi Atanna yöö =dede =në- -dhe yö -mü. -A -gεn -mü =dhe -yö -dhi yöö =dede bha =në- -dhe, 'yö- dᵛ yi -kᵛ 'ka kö 'yi- pö mε "bhᵛ- -nu -dhe. Yö =në- -wᵛn 'gü, 'yö 'yi- -dhiang zë sië, 'yö 'yaa- zë -kᵛᵛᵛ "piü 'ka, -a -gεn -mü =dhe 'yii- zë kö yi "dhia -yö 'ma mε "bhᵛ- -nu -zë 'gü, "kεε yi -zë kö yi "dhia- ma Atanna =në- 'gü. -A -gεn -mü =dhe yö =në- -dhe -yö yi zuë" "piü. ⁵Kaa =dede ka- 'wᵛn -dᵛ 'kpakpadhö =dhe nu 'yi- wo mü bha 'yii "kpēngg- -kë mε -gᵛ -dhiang zë mε 'bha -dhe, "εεn yi -nu mü -sü -gεn 'yii -gban =naᵛ mᵛᵛ- -sü -bha, Atanna =në yi "sεε 'ka. ⁶'Yii- -dhe mᵛᵛ- kö -yö -kë ka 'ka oo, "εεn -yö -kë mε "wεε 'bha -zian =në- 'ka oo, kö -yö "dhe -ya yi -ta, "kεε 'sa kö yi -mᵛᵛ -bha 'nu 'yi mεdhe -faan -wᵛ ka -ta kö 'ka yi =bhlëë -ya; -a -gεn -mü =dhe Klisi -bha bᵛmε -mü yi 'ka. ⁷"Kεε yö =në =gban 'gü, 'yii "wᵛ- -bha kö 'yi- kë "dhü. Yi -zᵛn ka -dhe 'ö 'yi -tosεa -kë ka "piü "yεεdhö =dhe -kᵛ 'ö 'në "blë -dee dhe -yö -kë 'ka ö -bha 'në "piü bha- 'dhö. ⁸Ka -dhᵛ -bha yi kë -kᵛ yaa 'gü yaa bha- -wᵛn 'gü, 'yii kë yi "piü =dhe naᵛ -së 'ö go Atanna "piü bha 'yi yöö do- pö ka -dhe, "kεε 'ya- -wᵛ bha- pö ka -dhe 'yi yi -dᵛ -bha -tosεa -nu -gban "kplēng -bho ka -dhe, ka -wᵛn 'ö -kë yi -gᵛ "gbᵛ- 'ö -ziö -naa 'gü bha- -wᵛn 'gü. ⁹N dheebhang -nu, kaa =dede ka- 'wᵛn -dᵛ =dhe gun 'yi- wo ka "piü mü bha yi yii- -kᵛᵛdhü -yë -nu -kë 'ö 'yi yi -mawᵛn -kë 'gü, 'ö 'yi sëë bho "binma -dhεkpao, kë "dhü kö 'ya 'dho kë -kwεε- 'gbiin- 'ka mε 'bha ka -ta. Atanna -wᵛ =në 'yi- pö

ka -dhe doseng. ¹⁰ Atanna -yö yi "sεε- 'ka, 'ö kaa =dede 'ka yi "sεε- 'ka 'pö =dhe me "pepe 'ka 'dhang -bho "dhiü -me 'ka Tesadhonikö -pö 'gü, yi -tosea -kē ka "piü "puu 'ka -a dhobhaa 'ka, 'ö me 'bha 'yii =song yö yi -bha. ¹¹ Ka- 'wön -dö 'pö =dhe gun 'yi- wo mü bha yi ka -wön -kun 'do 'do 'ka 'ö 'yi -kē ka -gö =dhe -kö 'ö 'nē dē -yö -kē 'ka 'nē -gö -a 'dhö. ¹² 'Ö 'yi ka faan dö, 'ö 'yi kpa ka -zu -ta, 'ö 'yi -dhio dö ka -ta glöglödhö kē "dhü kö ka "ta -kö -yö dhi Atanna -dhe; -a -gen -mü =dhe yö 'ö bha =nē ka -dhe siē -tosea -kē 'töbhdhe 'gü -sü 'ka ö -gö -gblüdedhepö 'gü.

¹³ Yö =nē- -wön 'gü 'yö yi 'gü 'yaa ga- nuε" bho -sü 'ka, -a -gen -mü =dhe -a -wü 'yi- pö ka -dhe 'ö 'ka 'dhang bho- "dhiü bha, 'kii- -ga =dhe me "bhü -nu 'gü -dhiang 'wo- zē =kpaodhe -bha "wεεwεε -a 'dhö, "kεε ka- -sü =dhe -kö 'ö- 'ka =dedewo tean- 'ka Atanna -wü 'ka bha =nē- 'dhö. Yö =nē- -wön 'gü 'yö yē kē siē ka 'gü, 'yö =ya 'me 'ka 'dhang bho -a "dhiü ka "gla =dεε bha. ¹⁴ -A -gen -mü =dhe ka 'ö 'ka bha, n dheebhang -nu, ka =dhe Atanna -bha 'kōdhigümε -nu 'ö =wa bö Yesu Klisi 'ka, 'wo Zude -se 'gü bha =nē- -nu 'dhö =dεε. -A -gen -mü =dhe 'wön do 'ö- -nu dheebhang Zuifö -nu 'wo- -wö -nu -ta Atanna -wü -wön 'gü bha =nē ka -gö "sεgümε -nu 'wo- -wö 'pö ka -ta. ¹⁵ 'Mε 'wo bha =nē 'wo kwa Dēmε Yesu zē, wo =nē 'wo Atanna -wü dhiüloomε -nu zē, 'wo =nē 'wo yi -wēē -kē "dhiü =gban "pepe suu wo. Wo -zē -wo me =gban "pepe =nē- 'yao- 'ka. Yö =nē- -wön 'gü 'yö- -nu -dho 'yaa Atanna kē. ¹⁶ Wo =nē 'wo zun -sü 'ka yi -gö zian-. 'Yaa- -nu "piü =dhe 'yi Atanna -wü pö 'me 'waa Zuifö 'ka- -nu -dhe kö -wo dha. -Wo woo 'wön yaa -ta =nē pa siē do Atanna wēdhö 'wo dho- 'ka. "Kεε =ya ö bhö bho- -nu -gö =gban wo =ya bö.

Pödhö -bha -fiē -dho Tesadhonikö -sü -bha -sü kö -yö

Timote bɔ waa- yee kë -sü -dhiang 'ö- zë

¹⁷ Yi -zë yi -bha 'ka, n dheebhang -nu, kwa "yan -go 'kwëë- -yi 'yaa =dɛɛ, 'kwa -dhɛ do 'gü -a yi =ya =gwëë, "kɛɛ ka -dhɔ -zë -yö yi zuë" "piü -kpɛawo. -A "sɪ =në 'yaa yi -dhɛ, "kɛɛ "yan -kpan ka -bha -dhɔ "kakasü -yö yi -bha. ¹⁸ 'Ya- "slë mɔɔ- -kɔ =gban -kɔ =gban 'gü kö 'yi nu mü, "kɛɛ mang Pɔdhö -mɛ -zë -yö n "piü 'nu -zianwo =dhɛ 'a nu -kɔ do "ɛɛn =plɛ -zian kë 'nu -deewo ka "piü mü, "kɛɛ yi -kɔ =në 'yii =mɔɔ- -bha. -A -gɛn -mü =dhɛ Sɔtraan =ya zun yi -gɔ zian-. ¹⁹ "ɛɛn -yö ka 'gü =dhɛ yi -zɔ -yö -më -wɔn "wɛɛ 'bha =në- 'gü, 'ö yi =nii -da -wɔn 'ka, "ɛɛn 'ö yi 'tɔ bhɔ -wɔn 'ka kwa Dëmɛ Yesu nu -yi 'ka kö 'yii kë ka -zë ka 'ka? ²⁰ Ka =në 'ka yii- 'tɔbhɔdhe waa- yii- =niidadhe =gban 'ka.

3

¹ Yö =në- -wɔn 'gü 'yö =dhɛ 'yi- -ga =dhɛ 'ya- "slë mɔɔ- 'ya =fië- -bha, "kɛɛ 'ö ka -dhɔ -kun yi -bha -sü "sɪ 'yaa yi -dhɛ 'zü, 'yö -dhi yi -dhɛ kö mɛ =plɛ 'yi 'to Atɛnö yö, ² kö 'yi kwa dheebhang Timote 'ö yɛng- -nu 'yi Atanna -bha yë bha- kë sië bha yö -zë bɔ, kö =ya nu kö -yö ka faan dɔ, kö ka 'gü 'ya 'dho ga -zɔ -yö Atanna -dhɛ -sü 'ka. -A -gɛn -mü =dhɛ yi 'dhang bho- "dhiü =dhɛ Atanna =në- -ya kö -yö kwa Dëmɛ Klisi -bha naɔ -së bha- dɔ. ³ Yi- -bɔ "dhü kë "dhü kö -din yën 'ya 'dho 'ma ka -bha saan" 'kwa- wo sië Atanna -wɔ -wɔn 'gü bha- -wɔn 'gü. -A -gɛn -mü =dhɛ -a 'wɔn- kaa =dede ka "yaan =dhɛ saan" 'dhɛ 'kö bha 'yaa 'kpɔ 'dhang -bho -a "dhiü -mɛ 'bha 'ka tongtongdhö. ⁴ Ka- 'wɔn -dɔ =dhɛ "tüng 'yi gun- 'ka ka "piü mü bha, 'yii 'wɔn bha- 'bha -bin ka -gɔ. 'Yi- -to "dhiü 'yi- pö ka -dhɛ =dhɛ 'wɔn- -dho =gbaɔn kwa -ta, 'ö 'kwa sëë bho =dhɛ -kɔ =dede 'ö kë sië- 'ka bha- 'dhö. ⁵ 'Wɔn 'ö- -wɔn 'gü, 'yö n -zɔ -yö dun 'yö 'a Timote bɔ kö -yö nu -wo ka -bha kö -naa

'ö ka -bha -zᵛ -yö Atanna -dhε -sü 'dhö- -ta 'a- dᵛ bha 'yö bha. -A -gεn -mü =dhε kē "dhü 'ö Sotraan -yö "kpēnng- -kē ka -gᵛ 'ö ka -pö, 'ö yē "sinma 'yi- -kē ka -gᵛ mü bha 'ö -kē saan" -sü "fiē 'ka 'ö- =trᵛᵛn 'yaa kē.

⁶ "ΚΕΕ =dhε 'ö Timote =ya 'go mü =ya nu =ya =loo yö, 'ö =ya ka -dhiang zē yi -dhε, 'ö 'wᵛn 'ö -gban ka -bha 'dhang -bho Yesu "dhiü -sü waa- -dhᵛ 'ö ka 'gü -bha bha =ya ziö- yi -dhε -a -gεn 'gü, 'ö =yaa- pö 'zü yi -dhε =dhε kaa -dᵛ 'pö yi -dhᵛ =ya ka 'kun =dhε -kᵛ 'ö ka -dhᵛ -yö yi kun- 'ka -a 'dhö, 'yö yi zuē" -yö 'waanu. ⁷ Ka -bha -zᵛ -yö Atanna -dhε -sü bha =nē- -wᵛn 'gü, n dheebhang -nu, 'yö sēēbhodhe -nu 'ö yi -bha waa- zuēdhiütεε -nu 'ö yi -bha -a =gbaan "gla yi -gᵛ =niidadhe 'gü, 'yö yi faan =nē dᵛ siē =taamasü ya- 'gü do 'ö dho- 'ka. ⁸ -A -gεn -mü =dhε -a ma 'yi- wo =dhε ka -kplü -sü 'ka kwa Dēmε bha- -bha kpēnngkpēnngdhö bha =ya yi gba faan -dee 'ka, 'ya kē =dhε "yua -kᵛ =ya gun =ya ziö 'mε 'ö- -gᵛ "kεε 'ö =ya dha- -gᵛ -a 'dhö. ⁹ 'Ya yi -zᵛ 'gᵛn, Atanna nuε" bho -kᵛ -zian 'yi dho- bho- 'ka ka -wᵛn 'gü kö -yö yi -zᵛ 'kun 'yaa- -kᵛ yö 'zü. -A -gεn -mü =dhε yi zuē" =nii 'ö -da siē ka -taᵛng 'yi- ma bha- -wᵛn 'gü kwa -bha Atanna bha- wēēdhö bha, -a -dhiang zē -kᵛ -zian 'yaa yi "yaan. ¹⁰ 'Ya "wlü 'yēnng- 'gü "εεn gbeng 'gü, "tüng "ᵛᵛ "tüng 'ö 'yi bhεa" -zē wo siē- 'ka Atanna -dhε, yi yi -kᵛ "puu -kpᵛ -dhε, 'ö yi =nēng 'gü dᵛᵛndᵛᵛndhᵛ kö -yö zian "pᵛ yi -gᵛ kö 'yi nu 'yi yi "yan -kpan ka -bha, 'ö 'yi =bhεa- -dhε kö -yö ka -ta 'kun 'zü -kᵛ =gban -kᵛ =gban 'gü kö pē 'dhε 'ö- -wᵛn =ya 'to ka -gᵛ "tüng ya- 'gü ka -bha 'dhang -bho -a "dhiü -sü 'gü kö -yö =mᵛᵛ "kwēē bha, kö -ya nu ka -dhε.

¹¹ Yi -bhεa -dhε kö yöö =dede 'ö kwa Dē 'ka bha waa- kwa Dēmε Yesu -wo zian bho yi -gᵛ kö 'yi -wo ka -dhε 'gü. ¹² Yi -bhεa -dhε kö ka 'ko -nu -dhᵛ 'ö ka 'gü, 'ö dho 'ö -wᵛ 'ka mε "pεpε =gban -dhᵛ -bha ka kē -sü -ta bha -ya

'bha -da 'gü -kpεawo kö -yö sa, kö -yö =mɔɔ -dhe =gban 'gü =dhe -kɔ 'ö ka -dhɔ -yö yi -kë 'ka 'pö bha- 'dhö. ¹³ Kö -yö ka -zɔ -gban, kö pö 'ya 'dho kë ka -bha kwa Dë Atanna wëëdhö ka -ya 'ö- wo -dɪ -ta bha- 'gü 'wɔn 'bha -wɔn 'bha 'gü, yi 'ö kwa Dëmε Yesu waa- -bha -yamε -nu 'wo dho nu- 'ka bha- 'ka.

4

"Ta -kɔ 'ö Atanna -zɔ -kun -a -dhiang 'ö Pɔdhö -ya zë Tesadhonikö -mε -nu -dhe

¹ =Ya 'go yö -zë 'gü, n dheebhang -nu, -a 'dhe 'kö -gban "ta -kɔ 'ö 'ka dho "ta- 'ka kö ka "dhia -yö 'ma Atanna 'gü -a -bha, 'ya ka =klang kë yö -zë 'ka 'nu, ka yö -zë kë sië, "kεε 'pë 'yi- 'piü 'yi- pö ka -dhe dɔ 'kwa- wo ya- 'gü, yö mü =dhe kö "ta -kɔ -së 'ka- kë sië bha- 'bha =në -yö -da 'gü kö -yö 'dho- 'ka -kpεawo. 'Wɔn 'yi bhεa" sië ka -dhe -a 'gü 'ö 'yi- 'gü -gbεɔɔ kë sië kwa Dëmε Yesu 'tɔ 'gü bha 'yö bha. ² -A -gεn -mü -dhe -dhio -wɔ 'ö kwa Dëmε Yesu -ya -wɔ yi "dhi 'yi- dɔ ka -ta bha -yö ka "yaan. ³ Yi- -pö ka -dhe =dhe 'pë 'ö Atanna 'gü -së, 'ö- -dhidhεwɔn 'ka, yö -mü =dhe kö 'ka ka -dɪ 'kun -së, kö mε 'bha 'ya 'dho pö yö ka -bha 'wɔn 'bha -wɔn 'bha 'gü, "kεε kö 'ka ka -dɪ 'kun "kwεεkwεε kë -sü =në- -gɔ. ⁴ Yö -mü =dhe kö mε 'ö "dhü =yaa- pö 'ö dhe 'sü, kö- 'sü -kɔ -yö kë =bhlëësü Atanna wëëdhö "εεn mε "bhɪɪ -nu wëëdhö. ⁵ kö 'ka 'dho ka -kɔ "kan ka -dɪ -wɔn "dhiü 'ö 'wɔn 'ö -gban "kwεεkwεε kë -sü -bha bha- -kɔ -yö -ziö ka -gɔ =dhe 'mε 'waa Atanna dɔ- -nu 'dhö. ⁶ 'Wɔn 'ö Atanna 'gü -së, yö -mü =dhe kö mε 'bha 'ya 'dho kë -da =sɔng yaa suu bha- 'ka wo 'ko -gɔ 'kɔɔmε 'ka, 'ö- -mε -bha dhe bho- -gɔ -a -bha faandhe 'ka, "εεn 'ö -ziö =keng-. 'Wɔn suu bha 'ya- -dhio dɔ ka -ta 'nu 'ya yi kɔngga ziö- 'ka ka -dhe "sεε glɔglɔdhö. -A -gεn -mü =dhe 'mε 'wɔn suu bha- -kë kwa Dëmε -dho 'wɔn bho- 'gü. ⁷ -A pö

'a- wo "dhü bha- 'klɔɔ- -mü -dhɛ Atanna 'yii kwa -dhɛ kö 'kwa -tosɛa kē =niēsü -zē 'gü, "kɛɛ kö 'kwa kwaa- kwa kē -sɔng zizi -nu bha =nē- 'zü kö 'kwa -ya -a -bha -ya 'gü. ⁸ -A kē "dhü -sü bha- 'gü, mɛ "ʊʊ mɛ 'ö 'yii -dhio 'a- dɔ ka -ta bha- ma, kö 'yii -kɔ mɛ "bhɪɪ- -zē -wɔ 'ka, kö Atanna 'ö ö -bha 'Nii- "slüüslü -gbaɔ ka -gɔ bha =nē- -mɛ -yö -kɔ -wɔ 'ka bha.

⁹ -A 'dhɛ 'kö -gban ka 'ko -dhɔ -bha 'ka 'kö kē -sü 'ö Atanna -bha zian -ta bha- -bha, -yö n 'gü -dhɛ yö -zē -pö ka -dhɛ -gɛn 'yaa 'dhö 'zü; -a -gɛn -mü -dhɛ yöö =dede -ya ka =klang kē yö -zē 'ka. ¹⁰ -A pö 'a- wo "dhü bha- 'klɔɔ- -mü -dhɛ kwa dheebhang -nu 'wo 'dhang bho 'pö Yesu "dhiü =dhɛ kwa 'dhö, 'wo ka -bha Maseduanö -sɛ =gban "pɛpɛ 'gü -a -nu -dhɔ -yö ka -kē. "kɛɛ 'wɔn 'ö yi "piü =dhɛ 'yi- pö ka -dhɛ dɔ 'kwa- wo ya- 'gü, yö -mü -dhɛ kö -dhɔ 'ö ka -gɔ bha- 'bha =nē -yö -da 'gü kö -yö 'dho- 'ka "dhiü -kpɛawo, n dheebhang -nu. ¹¹ Kö 'ka ka 'gü dɔ "gbɪɪ- 'ka -tosɛa kē "yɛnng =dhiē 'gü, kö 'ka -ya ka -dɪ -gɔ -wɔn -nu =nē- zuɛn -ta, kö 'ka ka -dɪ -bha yē kē kö 'ka ka -bhöpē =slɔɔ =dhɛ -kɔ 'yi- -dhio dɔ- 'ka ka -ta bha- 'dhö. ¹² Kē "dhü kö 'ka kē =bhlēēsü 'mɛ 'waa 'dhang bho Yesu "dhiü -a -nu 'gü, kö ka -kwɛɛ 'gbiin- 'ya 'dho mɛ 'bha kē.

'Wɔn 'ö -gban 'mɛ =wa ga -a -nu -bö -sü waa- kwa Dēmɛ nu -sü -bha -a -dhiang 'ö Pɔdhö -ya zē Tesadhonikö -mɛ -nu -dhɛ

¹³ N dheebhang -nu, 'yaa yi "piü =dhɛ 'wɔn 'dhɛ 'ö -gban 'mɛ 'wo ga Atanna -bha zian -ta -a -nu -bö -wɔn -bha bha 'ka kē- 'gü ka tii -bha, kö -wēē -yö bɔ ka -ta =dhɛ 'mɛ- -nu -zɔ 'gɔn -sü 'yaa 'wɔn 'bha -wɔn 'bha -dhɛ -dhekpaɔ dhia" 'gü -a -nu 'dhö. ¹⁴ -A -gɛn -mü -dhɛ =ya kē =dhɛ 'dhang -bho "dhiü -sü -zē =ya kē kwa -gɔ =dhɛ ga 'ö Yesu -ya wo bha -yö kē -bö, kö -ka -kwa 'dhang bho-

"dhiü 'pö =dhE Atanna -dho bɔ Yesu -ta 'ö waa- 'mE 'wo to- -bha zian -ta 'wo ga bha- -nu -bö 'pö.

¹⁵ -A 'klɔɔ- -mü =dhE -wɔ 'ö kwa DëmE -ya dɔ yi "dhi kö 'yi- pö ka -dhE -kaa -ga 'ö ya. -Ya -pö =dhE -a nu "töng 'dhö dho =loo 'mE 'ö kwa -bha kö kwa -tun "yaandhe 'ka -a -bha zian -ta bha, kwa -zë 'kwii 'dho -da 'mE =wa ga 'nu -a -nu "dhiü kö 'kwa 'dho- "piü. ¹⁶ "KEE kwa DëmE yöö =dede -a -bha -go dhang- 'gü -sü 'ka, Atanna -bha "kië -nu -gɔmE do- -dho -a "kwikan 'ö 'kwa- ma, 'ö- -bha "truu -yö -wɔ 'ö 'kwa- ma, 'yö gun -na 'go dhang- 'gü 'ö =lɔɔ, 'yö 'mE 'wo to- -bha zian -ta 'wo ga bha 'wo -bö =kö -blEεsü. ¹⁷ =Ya 'go mü 'yö 'mE 'kwa dho 'to "yaandhe 'ka waa 'mE 'wo -bö bha mE =gban 'kwa -tɔn kun kwa "kwëë, 'yö 'kwa dho dɔ kwa DëmE -gɔ zian- dha 'kpong- 'gü, 'yö 'kwa -kpan -bha 'tëng- -ta, 'yö 'kwa gun -na -tosEa kē -a "piü -todhü 'ka. ¹⁸ -A -kē "dhü -sü bha- 'gü, -ka ka 'ko -nu -zɔ -gban -wɔ -nu bha =nē- 'ka.

5

¹ -A 'dhE 'kö -gban yi 'ö kwa DëmE dho nu- 'ka waa- -a "töng -zë -bha, n dheebhang -nu, -yö n 'gü =dhE yö -zë -pö ka -dhE -gEɛ -zian 'yaa 'dhö. ² -A -gEɛ -mü =dhE ka yö -zë 'wɔn -dɔ 'kpakpadhö =dhE -a nu -sü -dho "kan =nē- wo mE =gban 'gü =dhE =kwaanmE -yö nu gbeng. ³ "Töng =dede 'ö mE "bhɪɪ- -nu 'wo- pö sië- 'ka =dhE: «'Aa "sE =ya 'waanu, 'kwa -ya kwa -dɪ 'flëë- 'gü bha =nē 'güseedhe dho "kan- -nu 'gü -a 'ka =dhE -kɔ 'ö 'nē 'kpɔ "gblüüdhepiü -yö zun- 'ka 'gbiödhe -nu -bha bha- 'dhö, 'yö 'waa dha- -gɔ tongtongdhö. ⁴ "KEE ka -zë, n dheebhang -nu, 'kaa 'wɔn yaa 'gü kö yi 'ö bha -yö "kan ka 'gü =dhE =kwaanmE -yö -kan mE 'gü. ⁵ Ka -zë ka -tosEa -së kē sië, kwa -zë 'wɔnyaakëmE 'yaa -mü kwa 'ka 'zü. ⁶ -A -kē "dhü -sü bha- 'gü, 'kwa 'dho yi zë =dhE mE -kpEa 'dhö, -kwa -ya

kwa "yaan kö 'kwa kwa -dt 'kun -së. ⁷ -A -gɛn -mü =dhe yi 'ö mɛ -ya zë bha -ya -zë gbeng =në- 'gü, 'yö 'mɛ woo -dt 'pö 'wo we kpɔ wo -dt -gɔ bha 'wo- kpɔ gbeng. ⁸ "Kɛɛ mɛ 'ö kwa -zë 'kwa -dhepuudhe 'gü -mɛ -nu 'ka bha, -ka -kwa kwa -dt 'kun -së, kö -dhɔ waa- -zɔ -yö Atanna -dhe -sü 'ö kwa -gɔ bha, 'kwa- -da kwa -bha =dhe -piö "bhɛɛ 'dhö, kö dha -sü kö 'kwa -tosɛa -së kɛ Atanna "piü, 'ö kwa -zɔ 'dhö- 'gü bha -yö kɛ kwa -gɔ =dhe -piö gbɛaa- 'dhö kö 'kwa- -ya kwa -gɔ -bha. ⁹ -A -gɛn -mü =dhe Atanna -yö kwa -da "dhü kö 'kwa dha =në wo kwa Dɛmɛ Yesu Klisi 'saa- 'gü. 'Yii kwa -da kö 'ö 'wɔn -zë wɔ kwa -ta. ¹⁰ -A 'klɔɔ- -mü =dhe Yesu Klisi bha =në ga kwa -wɔn 'gü, kɛ "dhü kö -a nu "töng =ya =loo kö kwa kwa "yaan oo, "ɛɛn kö 'kwa ga 'zü oo, kö 'kwa -tosɛa kɛ -a =yɛnng 'gü. ¹¹ =Dhe 'ö "dhü, -ka ka 'ko -nu -zɔ -gban, kö 'ka ka 'ko -nu faan dɔ yi =gban 'ka =dhe -kɔ 'ka- kɛ sië- 'ka bha- 'dhö.

-*Dhio 'ö Pɔ*dhö waa- ö "tayɔɔ -nu 'wo- dɔ Tesadhonikö -mɛ -nu -ta waa- -a -nu =tuabhonaɔ -nu

¹² Yi -bhɛa ka -dhe, n dheebhang -nu, kö 'mɛ 'wo Atanna -bha yë kɛ sië ka kpö 'gü, 'ö 'wo- -gleng -da sië ka -bha, 'ö 'wo ka "dhiü -ziö wo sië bha 'ka- -nu -ya =bhlëë 'gü, ¹³ -kaa -nu =bhlëë -ya =dedewo kö- -nu -dhɔ -yö ka kɛ yë -së 'wo- kɛ sië bha- -wɔn 'gü. =Ya 'go mü, (ka zuë" -yö kɛ ka 'ko "piü -sɛa,) kö 'ka dhi ka 'ko -dhe -kpɛawo.

¹⁴ Yi -bhɛa 'zü ka -dhe, n dheebhang -nu, kö "wlaamɛ -nu 'wo -tosɛa kɛ sië "bhluubhludhe 'gü ka kpö 'gü bha 'ka -ya -nu "yan 'gü kö 'ka ka -kɔ -ya 'mɛ 'ö- -nu -din =ya yën bha- -nu zuë" -ta. Kö 'ka 'mɛ "st 'yaa- -nu -dhe Atanna -bha zian -ta bha- -nu -ta 'kun, kö ka zuë" -yö kɛ -sɛa mɛ =gban "pɛpɛ "piü. ¹⁵ -Kaa kɛ -së kö mɛ 'bha 'ya 'dho 'wɔn yaa "yɔɔ bho 'ö "tɛado -gɔ 'wɔn yaa 'ka, "kɛɛ -ka 'wɔn

-së =në- kë -dhe mɔɔ- yi =gban "pɛpɛ 'ka ka 'ko -dhe, "ɛɛn mɛ =gban "pɛpɛ -dhe.

¹⁶ Ka =nii -yö -da yi =gban "pɛpɛ 'ka. ¹⁷ Kö ka 'gü 'ya 'dho ga -bheɛa Atanna -dhe -sü 'ka tongtongdhö, ¹⁸ "ɛɛn kö 'ka- nuɛ" bho 'wɔn =gban "pɛpɛ suu 'gü, -a -gɛn -mü =dhe -ya "piö =dhe 'ka yö =në- kë "töng =gban 'gü ka -bha -kë Yesu Klisi -bha 'ka -sü -wɔn 'gü!

¹⁹ 'Ka 'dho zian ta -a -bha 'Nii- 'ö ka 'gü bha- -gɔ 'ö ö bo -a -wɔn -pɛng -dɔ ka 'ka -sü 'ka. ²⁰ Kë "dhö 'ö 'ka -ya -wɔ 'ö- dɔ ö -wɔdhiöloomɛ "dhi bha- -san 'ka! ²¹ "Kɛɛ -ka 'wɔn "pɛpɛ bha- =gban -ga 'kpakpadhö -së 'ka, kö- 'dhe 'ö -së, 'ka- 'sü ka -bha 'ka. ²² -Ka ka -dɪ 'kun -së kö 'ka 'dho 'wɔn yaa suu "ɔɔ suu 'bha kë.

²³ Atanna 'ö zuëwaanüsü nu mɛ -dhe bha -yö bian bho ka -bha -kɔ =gban -kɔ =gban 'gü kö -yö ka "zu, kö ka -dhü -to "dhö -sü, ka 'nii- oo, ka -wü oo, -wo 'to "puu 'ka kö pö 'a 'dho kë- -bha kwa Dëmɛ Yesu Klisi nu -yi bha- 'ka! ²⁴ Atanna 'ö ka -dhe kö 'ka kë ö -bha 'ka bha =në dho- kë "dhö, -a -gɛn -mü =dhe yö -zë 'yaa "plüün 'gü "fië bho.

²⁵ N dheebhang -nu, -ka bheɛa"- -dhe yi -wɔn 'gü 'pö.

²⁶ -Ka kwa dheebhang -nu "pɛpɛ 'wo Yesu -bha 'ka mü, -a -nu =gban "pɛpɛ =tua bho yi -dhe 'gbɛ, kö 'ka =loo ka 'kwëë- -dhe dheebhang -zë -nu 'dhö.

²⁷ A -bheɛa ka -dhe kwa Dëmɛ 'tɔ 'gü kö 'ka dɔ "gbɪ- 'ka 'sëëdhe ya- -wɔ pö kwa dheebhang -nu "pɛpɛ 'wo ka -gɔ "sɛ 'gü mü bha- -nu -dhe.

²⁸ Kwa Dëmɛ Yesu Klisi -bha -gasite bha -ya kë ka -dhe (yi =gban "pɛpɛ 'ka)!

NA᠎ -SĚ 'SĚĚDHĚ
Dan: NA᠎ -SĚ 'SĚĚDHĚ New Testament
Dan Nouveau Testament

copyright © 1991 Wycliffe Bible Translators, Inc.

Language: Dan

Dialect: Eastern

Contributor: Wycliffe Bible Translators, Inc.

All rights reserved.

2021-07-12

PDF generated using Haiola and XeLaTeX on 14 Jun 2022 from source files dated 30 Nov 2021

b0d5029a-c700-5b99-a67b-bae5c5f3b14c